

მიშელ დე სერგო (1925–1986) – ფრანგი ისტორიკოსი, ფილოსოფოსი, კულტურის თეორეტიკოსი და იუმუიტი მღვდელი. მისი კვლევები ეხება ისტორიოგრაფიას, ყოველდღიური ცხოვრების თეორიას, კულტურულ პრაქტიკებსა და სივრცის სოციალურ გამოცდილებას. დე სერგოს ყველაზე ცნობილი ნაშრომია „ყოველდღიური ცხოვრების პრაქტიკა“ (*The Practice of Everyday Life*), რომელიც თავდაპირველად ფრანგულ ენაზე, სახელწოდებით *L'Invention du quotidien. 1. Arts de faire*, 1980 წელს გამოიცა, ხოლო ინგლისური თარგმანი 1984 წელს გამოქვეყნდა.

თარგმანი (თავი 11) შესრულებულია მიშელ დე სერგოს ნაშრომის *The Practice of Everyday Life* (Berkeley: University of California Press, 1984) ინგლისური გამოცემის მიხედვით.

თარგმანი: დავით ჩიხლაძე

სამეცნიერო და სტილისტური რედაქტირება: ანა ჩორგოლაშვილი

შენიშვნა: განმარტებები მომზადებულია ქართული თარგმანისთვის სამეცნიერო რედაქტორის მიერ.

„ყოველდღიური ცხოვრების პრაქტიკა“

The Practice of Everyday Life (Berkeley: University of California Press, 1984)

მიშელ დე სერგო

თავი 11

„სიარული ქალაქში“

Walking in the City

რედაქტორის შესავალი

სიმონ ლიურინგი, „კულტურული კვლევების მკითხველი“ / *The Cultural Studies Reader*, London: Routledge, 1993

ამ შესანიშნავ ესეში, რომელიც პოემიასა და სემიოტიკას შორის ფაქიზი მიმოქცევაა, მიშელ დე სერგო ყოველდღიური ურბანული ცხოვრების ერთ ასპექტს ანალიზებს. ის წარმოგვიდგენს ქალაქის თეორიას, უფრო სწორად კი, ქალაქის იდეალს, რომელიც ეწინააღმდეგება ურბანული მგეგმარებლების და მენეჯერების თეორიებსა და იდეალებს, რისთვისაც ის ქალაქს ზემოდან, მაღალსართულიანი შენობიდან კი არ დაჰყურებს – ის მასში დადის.

ქალაქში სიარულს თავისი ლოგიკა აქვს – ან, როგორც დე სერგო ამბობს, საკუთარი „რიტორიკა“. დე სერგოს რამდენიმე ანალოგიიდან ერთ-ერთის გათვალისწინებით, მგეგმარებლების მიერ ქალაქებისთვის მინიჭებულ „დადგენილ“ წესრიგს ფეხით მოსიარულე ინდივიდუალიზაციას ანიჭებს და არაერთგვაროვანს ხდის, ისევე როგორც სიზმრად ყოფნა ანაცვლებს ცხად ცხოვრებას და არაერთგვაროვანს ხდის მას.

ეს უტოპიური ესეა: იგი „ყოველდღიურობას“ ოფიციალურისგან განსხვავებულად აღიქვამს, ზუსტად ისევე, როგორც პოეზიაა დაგეგმარების სახელმძღვანელოსთვის უცხო. იგი მეოცე საუკუნის ურბანულ გამოცდილებას – სადაც სიარული (იგივე ხეგიალი) გადაადგილების მეორეხარისხოვანი ფორმაა – იმგვარ მომხიბვლელობას სძენს, როგორსაც ისეთი მწერალი, როგორიც ვალტერ ბენიამინი¹, მეცხრამეტე საუკუნის მოცლილ დამკვირვებელში, ანუ ფლანერში (flaneur) პოულობდა. „სიარული ქალაქში“ კულტურულ კვლევებში ძალზე გავლენიანი აღმოჩნდა, იმის გამო, თუ როგორ იყენებს ავტორი როგორც წარმოსახვას, ისე ტექნიკურ სემიოტიკურ ანალიზს, რათა აჩვენოს, რომ ყოველდღიურ ცხოვრებას განსაკუთრებული ღირებულება მაშინ ეძლევა, როდესაც იგი ფართო ძალაუფლებრივი სტრუქტურებს ნაპრალებში მიმდინარეობს. *შემდგომი საკითხავი*: Ahearne 1996; Bachelard 1969; de Certeau 1984; Harvey 1985; Highmore 2005 and 2006; Lefebvre 1971; Massey 1994; Morris 1990; Rigby 1991.

მანჰეტენის ხელი მსოფლიო საეაჭრო ცენტრის 110-ე სართულიდან. ქარისგან შექმნილ ნისლში, ურბანული კუნძული, ზღვა ზღვის შუაგულში, მაღლა სწევს ცათამბჯენებს უოლ სტრიტზე, ეშვება გრინვიჩში, შემდეგ ისევ ამოდის მიდთაუნის მწვერვალებამდე, წყნარად გადაივლის ცენტრალურ პარკზე და ბოლოს ჰარლემს მიღმა გალღობად ეშვება. ვერტიკალების გაღმა. მისი ღელვა მზერით მომენტალურად ჩერდება. გიგანტური მასა თვალწინ შეშლება. ის ტექსტუროლოგია² გარდაიქმნება, სადაც უკიდურესობები თანაარსებობენ – მათ შორის ამბიციისა და დეგრადაციის უკიდურესობები, რასებისა და სტილების სასტიკი დაპირისპირებები, უკვე ნაგვის ურნებად ქცეული გუშინდელი შენობების კონგრასტები და თანამედროვე ურბანული ჩარევები, რომლებიც მის სივრცეს ბლოკავენ. ნიუ-იორკი, საკუთარი წარსულით თამაშისას, რომისგან განსხვავებით დაბერების ხელოვნებას ვერასდროს დაეუფლა. წარსულის მიღწევების დავიწყებით, ის ყოველსაათობრივად საკუთარ აწყმოს იგონებს და მომავლისკენ იმზირება. ქალაქი, რომლის მონუმენტური რელიეფი აალებადი³ ადგილებისგან შედგება. მნახველს შეუძლია მასში მუდმივად ფეხქებადი სამყარო წაიკითხოს.

მასში *coincidentia oppositorum*⁴ – ის არქიტექტურული ფიგურებია ამოგვიფრული. მათ ადრე მინიატურებსა და მისტიკურ გრაფიკებში⁵ ხატავდნენ. ორ ოკეანეს შორის (ატლანტის და ამერიკის) ცივი წყლის მასით გამოკვეთილი ბეგონის, ფოლადის და შუშის სცენაზე, მსოფლიოში

¹ ვალტერ ბენიამინი (1892-1940) - გერმანელი ფილოსოფოსი, კულტურის კრიტიკოსი და ესეისტი, მისი ნაშრომები მოდერნული ქალაქის, ფლანერის (flâneur), მეხსიერებისა და კულტურის საკითხებს ეძღვნება. მათ მნიშვნელოვანი გავლენა მოახდინეს თანამედროვე კულტურული და ურბანული თეორიების განვითარებაზე.

² ტექსტუროლოგია — ფილოლოგიის დარგი, რომელიც შეისწავლის ტექსტის წარმოშობას, შექმნის ისტორიას, სხვადასხვა რედაქციასა და ხელნაწერებს, ადგენს ტექსტის პირვანდელ სახეს და იკვლევს მისი გავრცელებისა და თაობიდან თაობამდე გადაცემის პროცესში წარმოშობილ ცვლილებებს.

³ ავტორი იყენებს სამედიცინო ტერმინს პაროქსიზმი (ბერძნ. *paroxysmos* - „გამწვავება“, „მკვეთრი ალგზნება“)

⁴ *Coincidentia Oppositorum* - ლათინური ფილოსოფიური და მისტიკური ტერმინი, რომელიც ითარგმნება როგორც „საპირისპირო მოცემულობების დამთხვევა“ ან „საპირისპირო მოცემულობების ერთიანობა“.

⁵ *Mystical Textures* - ვიზუალური ან ტაქტილური ზედაპირები, რომლებიც მაგიის, საიდუმლოებისა და კოსმიური საოცრების განცდას იწვევს.

ყველაზე მაღალი ასოები, ხარჯვისა და წარმოების თანაბრად ჭარბ, გიგანტურ რიგორიკას ქმნიან.

ვუაიერები⁶ თუ ფეხით მოსიარულენი

შემეცნების რომელ ეროგიკას მიეკუთვნება ამგვარი კოსმოსის კითხვის ექსტაზი? ვნებიანი სიამოვნების განცდის შემდეგ, ვფიქრობ თუ რა არის „მთელის დანახვის“, ადამიანური ტექსტებისგან ყველაზე ვრცელის (ბემოდან – ქვემოთ) ჭვრეტისა და მისი გოტალიზაციისგან⁷ მიღებული სიამოვნების წყარო.

მსოფლიო სავაჭრო ცენტრის მწვერვალზე ამაღლება, ქალაქის მარწუხებიდან თავის დაღწევას ნიშნავს. ადამიანის სხეული აღარ არის შებოჭილი ქუჩებით, რომლებიც ანონიმურ კანონს ექვემდებარებიან და მიმოაქცევენ მას; ის აღარ არის შეპყრობილი, როგორც მოთამაშე ან თამაშის ობიექტი, განსხვავებების სიჭარბით და ნიუ-იორკის საცობით განერვიულებული. როდესაც ადამიანი იქ ხვდება, ის უკან გოვებს მასას, რომელიც თავისთავში აგარებს და ერთმანეთში ურევს ავგორის თუ მაყურებლის ნებისმიერ იდენტობას. იკაროსს,⁸ რომელიც ამ წყლებზე დაფრინავს, შორს ქვემოთ უსასრულო ლაბირინთებში, დაღალოსის ხრიკები შეუძლია უგულებელყოს. ეს ამაღლება მას ვუაიერად აქცევს, დისტანციაზე აყენებს და მომჯადოებელ სამყაროს, რომლითაც ადამიანი „შეპყრობილი“ იყო, ტექსტად გარდაქმნის, რომელიც მის თვალწინ იშლება. ეს ადამიანს აძლევს საშუალებას წაიკითხოს იგი, გახდეს მზის თვალი, რომელიც ბემოდან ქვემოთ იყურება, როგორც ღმერთი. ვიზუალური და გნოსტიკური ლტოლვის⁹ ეგზალტაცია: **ცოდნის ფიქცია დაკავშირებულია ვნებასთან, რომ იყოს ხედვის კუთხე და სხვა არაფერი.**

ნუთუ საბოლოოდ უნდა დაბრუნდეს ბნელ სივრცეში, იქ სადაც ბრბო წინ და უკან გადაადგილდება. ბრბო, რომელიც ბემოდან ჩანს, თუმცა თავად ვერ ხედავს. იკაროსის დაცემა. 110-ე სართულზე, სფინქსის მსგავსი პლაკატი ენიგმატურ გზავნილს გადასცემს ფეხით მოსიარულეს, რომელიც ერთი წამით ვიზიონერად გარდაიქმნება: ძნელია ქვემოთ ყოფნა, როდესაც მაღლა ხარ.¹⁰

ქალაქის ჭვრეტის სურვილი დაკმაყოფილების აღნიშნულ საშუალებებს წინ უსწრებდა. შუა საუკუნეების თუ რენესანსის მხატვრები ქალაქს ისეთი პერსპექტივიდან წარმოადგენდნენ,

⁶ ვუაიერიზმი (ფრანგ. voir - ყურება; voyeur - მაყურებელი), იგივე ვიზიონიზმი - სექსუალური აღზნებადობის ფორმა, როდესაც ადამიანი სექსუალურ კმაყოფილებას იღებს სხვა ადამიანთა სექსის აქტის, ადამიანის გახდის ან და სხვა სახის ინტიმური ქმედების თვალთვალისას.

⁷ გოტალიზაცია (ინგლ. totalization, ფრანგ. totalisation) ფილოსოფიური და სოციალური თეორიის ტერმინი, რომელიც აღნიშნავს მრავალფეროვანი მოვლენების, გამოცდილებებისა და განსხვავებების ერთიან, ყოვლისმომცველ სისტემაში მოქცევის პროცესს.

⁸ იკაროსი - ბერძნული მითოლოგიის პერსონაჟი, დედალოსის ვაჟი, რომელიც ცვილითა და ბუმბულით შეკრული ფრთებით ფრენისას მზეს ზედმეტად მიუახლოვდა, ფრთები დაენვა და დაიღუპა. იმ ზღვას მოგვიანებით იკარიის ზღვა (Icaria / Icarian Sea) ეწოდა.

⁹ გნოსტიკური ლტოლვა - სწრაფვა განსაკუთრებული, დაფარული ან უმაღლესი ცოდნის (gnosis) მოპოვებისკენ, რომელიც, გნოსტიკური ტრადიციის მიხედვით, ადამიანს ჭეშმარიტების, თვითშეგნებისა და ხსნის საშუალებას აძლევს.

¹⁰ It hard to be down when you are up

როგორითაც ის ჯერ არავის ენახა. ამ ფიქციამ შუა საუკუნეების მაყურებელი ჯერ კიდევ მაშინ აქცია ბეციურ თვალად. მან ღმერთები შექმნა. შეიცვალა თუ არა ყველაფერი მას შემდეგ, რაც ტექნიკურმა პროგრესმა „ყოვლისმჭვრეტელი ძალა“ შექმნა? წარსული ღრთის მხაგვრების მიერ წარმოსახული გოგალური მზერა¹¹ ჩვენი ღრთის მიღწევებშიც ცოცხლობს. იგივე ვიზუალური ჭვრეტის ღვთაება ამოდრავებთ არქიტექტურის შემქმნელებს, რომლებიც დღეს წარსული უტოპიის მაგერიალიზმებას ახდენენ. მანჰეტენის 1370 ფუტის სიმაღლის კოშკი, რომელიც მანჰეტენის თხემის ფუნქციას ასრულებს, აგრძელებს იმ მხაგვრული ლიგერატურის შექმნას, რომელიც მკითხველს ბადებს, ქალაქის კომპლექსურობას წაკითხვადს ხდის და ამ გამჭირვალე ტექსტში, მის დაბურულ მოძრაობას აყოვნებს.

არის თუ არა თვალწინ გადაშლილი უზარმაზარი ტექსტუროლოგია უფრო მეტი, ვიდრე რეპრეზენტაცია, ოპტიკური არტეფაქტი? იქნებ ეს ფაქსიმილეს ანალოგია, რომელიც პროექციის მეშვეობითაა შექმნილი, რაც ქალაქის მგეგმარებელს, ურბანისტს ან კარგოგრაფს დისტანცირების საშუალებას აძლევს. პანორამა-ქალაქი „თეორიული“ (ანუ ვიზუალური) სიმულაკრაა, მოკლედ რომ ვთქვათ, სურათი, რომლის არსებობის პირობა დავიწყება და პრაქტიკების არასწორედ გაგებაა.

ქალაქის რიგითი მაცხოვრებლები „ქვემოთ“ ცხოვრობენ. იმ ბლურბლს დაბლა, საიდანაც ჭვრეტა შესაძლებელია. ისინი დადიან – ეს ქალაქის განცდის ელემენტარული ფორმაა; ისინი მოსიარულები არიან, *wandersmanner*,¹² რომელთა სხეულებიც მიჰყვებიან ურბანული „ტექსტს“, მისი სიღრმეებსა თუ ღვეტებს, ტექსტს რომელსაც თავად წერენ, თუმცა მისი წაკითხვის უნარი არ გააჩნიათ.

ქალაქის ეს პრაქტიკოსები მოძრაობენ სივრცეში, რომლის ჭვრეტაც არ ძალუძთ. მათი ცოდნა ამ სივრცის შესახებ ისეთივე ბრმაა, როგორც შეყვარებულები რომლებიც ერთმანეთის მკლავებში იკარგებიან. ბილიკები ერთმანეთში გადაჯაჭვულ, ამოუცნობ ლექსებს შეესაბამება, სადაც თითოეული სხეული ელემენტია, რომელიც ბევრი სხვა ელემენტის მსგავსია და ტექსტის მკაფიობას გაურბის. თითქოსდა, ამ ხმაურიანი ქალაქის ორგანიზმის პრაქტიკის მთავარი მახასიათებელი სიბრმავეა. მოძრაობის მარშუტებით, გადაკვეთილი ნაწერებით ფორმირებული ქსელი მრავალფეროვან ისტორიას ქმნის, რომელსაც არც ავტორი ყავს და არც მაყურებელი. ის ფრაგმენტებისგან, სივრცეების გრაფიკორიებისა და ცვლილებებისგან შედგება: რეპრეზენტაციის შესაძლებლობის მიმართ ის განუსაზღვრელი ვადით, ყოველდღიურად განსხვავებულია.

თვალის მიერ წარმოქმნილი წარმოსახვითი გოგალიზაციისგან თავის დაღწევით, ყოველდღიურობას ერთი უცნაურობა ახასიათებს, ის ზედაპირზე არ ჩანს, ზედაპირიც მხოლოდ მისი ზედა ზღვარია, რომელიც თავს ხილულთან შედარებისას ავლენს. ამ ანსამბლში შევეცდები ვიპოვო პრაქტიკები, რომლებიც უცხოა ვიზუალური, პანოპტიკური¹³ ან თეორიული კონსტრუქციების „გეომეტრიული“ ან „გეოგრაფიული“ სივრცისთვის. სივრცის ეს პრაქტიკები ეხება ოპერირების სპეციფიკურ ფორმას („ოპერირების გზებს“), „სხვა სივრცულობას“

¹¹ *totalizing eye*

¹² *Wandersmänner* - გერმანული ტერმინი, რომელიც აღნიშნავს მოხეტიალეს, ქალაქში მოსიარულეს; თანამედროვე ფილოსოფიასა და კულტურის კვლევებში გამოიყენება იმ ადამიანების აღსანიშნავად, რომლებიც ურბანულ სივრცეს გადაადგილებისა და უშუალო ფიზიკური გამოცდილების გზით შეიმეცნებენ.

¹³ პანოპტიკური (ინგლ. *panoptic, panoptical*) მომდინარეობს *Jeremy Bentham*-ის მიერ შემუშავებული პანოპტიკონის (*Panopticon*) კონცეფციიდან.

(სივრცის „ანთროპოლოგიურ“, პოეტურ და მითიურ გამოცდილებას) და დაბურულ, ბრმა მობილურობას, რომელიც ხმაურიანი ქალაქისთვისაა დამახასიათებელი. ამგვარად, მიგრაციული, ან მეტაფორული ქალაქი იძირება დაგეგმილი და წაკითხვადი ქალაქის მკაფიო ტექსტში.

ქალაქის კონცეფციიდან ურბანულ პრაქტიკებამდე

მსოფლიო სავაჭრო ცენტრი დასავლური ურბანული განვითარების ყველაზე მონუმენტური ფიგურაა. ატოპიას¹⁴ – ოპტიკური ცოდნის უტოპიას დიდი ხანია აქვს ამბიცია, რომ გადალახოს და გამოხატოს ურბანული აგლომერაციით¹⁵ წარმოშობილი წინააღმდეგობები. საქმე ეხება ადამიანების აგლომერაციის და სიმჭიდროვის ზრდის მართვას. „ქალაქი უზარმაზარი მონასტერია“, ამბობდა ერაზმუსი.¹⁶ პერსპექტიული და მომავალზე ორიენტირებული ხედვა, ზედაპირზე დაბურული წარსულისა და გაურკვეველი მომავლის ორმაგი პროექციაა, რომელთანაც გამკლავება შესაძლებელია. ამით აღინიშნება (მე-16 საუკუნეში?) ურბანული „ფაქტის“ ქალაქის „კონცეფციად“ გარდაქმნის დასაწყისი.

დიდი ხნით ადრე, სანამ კონცეფცია ისტორიის კონკრეტულ ფიგურას დაბადებდა, ის ვარაუდობდა, რომ ურბანული ფაქტის განხილვა შესაძლებელია, როგორც ურბანისტული „თანაფარდობით“¹⁷ განსაზღვრული ერთიანობის. ქალაქის დაკავშირება მის კონცეფციასთან, მას ამ უკანასკნელთან იდენტურს არ ხდის. თუმცა, პროგრესულ სიმბიოზს წარმოშობს. ქალაქის დაგეგმარება რეალობის „პლურალურობაზე“ ფიქრს ნიშნავს, ამაღლოულად ეს პლურარულობა „ეფექტურ“ გზად გარდაიქმნება. ეს ნიშნავს იცოდე თუ როგორ მოახდინო არტიკულირება და აგრეთვე შეგეძლოს განახორციელო ის.

ოპერაციული კონცეფცია?

უტოპიური და ურბანისტული დისკურსის მიერ წარმოქმნილი „ქალაქი“ სამმაგი ოპერაციის შესაძლებლობით განისაზღვრება.

პირველი, საკუთარი სივრცის (*un espace propre*)¹⁸ წარმოება: რაციონალურმა ორგანიზებამ ყველა ის ფიზიკური, გონებრივი თუ პოლიტიკური დაბინძურება უნდა დათრგუნოს, რომელიც მას კომპრომეტირებას მოახდენდა.

¹⁴ ატოპია (ბერძნ. *a-topos* – „უადგილო“, „ადგილის გარეშე“) - ფილოსოფიასა და კულტურის თეორიაში აღნიშნავს მდგომარეობას ან ფენომენს, რომელიც კონკრეტულ ადგილს არ ეკუთვნის ან ვერ თავსდება ჩვეულებრივ სივრცით კატეგორიებში.

¹⁵ აგლომერაცია - ცენტრალური ქალაქისა და მის ირგვლივ მდებარე დასახლებების ერთიანი ურბანული სისტემა, რომელიც ჩამოყალიბებულია ინტენსიური ფუნქციური და ეკონომიკური კავშირების საფუძველზე.

¹⁶ დეზიდერიუს ერაზმუსი (1466/1469–1536) – ნიდერლანდელი ჰუმანისტი, ფილოსოფოსი, თეოლოგი და რენესანსის ერთ-ერთი უმნიშვნელოვანესი მოაზროვნე.

¹⁷ Ratio

¹⁸ *Un espace propre* (ფრანგ.) – „საკუთარი სივრცე“; მიუღე სერტოს მიხედვით, სივრცე, რომელსაც სუბიექტი ან ინსტიტუცია აკონტროლებს და საიდანაც აცალიბებს საკუთარ სტრატეგიებსა და მოქმედების ნებსებს.

მეორე, გრადიციების მიერ შემოთავაზებული ჯიუტი რეზისტენტულობა ჩანაცვლდეს არაბუნებრივი ან სინქრონული სისტემით; სამეცნიერო სტრატეგიებმა უნდა ჩაანაცვლოს იმ მომხმარებლების ტაქტიკა, რომლებიც ცდილობენ გამოიყენონ ჭვრეტის პროცესის ლაფსუსები, ხაფანგები და ამით, ისტორიის ბუნდოვანება აწარმოონ.

მესამე და ბოლო, უნივერსალური და ანონიმური სუბიექტის შექმნა, რომელიც თავად ქალაქია: თანდათანობით შესაძლებელი ხდება მას, ჰობსის სახელმწიფოს,¹⁹ და მის პოლიტიკურ მოდელს მივაწეროთ, ყველა ის ფუნქცია და პრედიკატი, რომელიც ადრე გაფანტული იყო და სხვადასხვა რეალურ სუბიექტს – ჯგუფებს ასოციაციებს ან ინდივიდებს უკავშირდებოდა. „ქალაქი“, როგორც საკუთარი სახელი, ამგვარად, სივრცის ჩასახვის და აგების გზაა, და ეს პროცესი იზოლირებული და ამავდროულად ურთიერთდაკავშირებული კონკრეტული თვისებების საფუძველზე ხორციელდება.

ამ ადგილის აღმინისგრილება განადგურების პროცესთან ერთად მიმიდინარეობს და „სპეკულაციური“ და კლასიფიკაციის ოპერაციებითაა ორგანიზებული. ერთის მხრივ, ხდება ქალაქის ნაწილებისა და ფუნქციების დიფერენციაცია და გადანაწილება, როგორც ინვერსიის, გადაადგილების და სიმჭიდროვის შედეგი. მეორეს მხრივ, ხდება ყველაფრის უარყოფა, რაც ამ კლასიფიკაციაში არ ჯდება და ამის გამო ფუნქციონალისტური აღმინისგრილების „ნარჩენი პროდუქტია“ (ანომალია, გადახრა, ავადმყოფობა, სიკვდილი და ა.შ.). რა თქმა უნდა, პროგრესი საშუალებას იძლევა, რომ ამ ნარჩენების მზარდი რაოდენობა აღმინისგრატიულ შრეებში დაბრუნდეს და სისტემის ხარვეზებიც კი (ჯანდაცვაში, უსაფრთხოებაში და ა.შ.) წესრიგის ქსელების გამკვრივების გზად გარდაიქმნას. სინამდვილეში ეს განმეორებითად წარმოქმნის ეფექტს, რომელიც მის მიზანს ეწინააღმდეგება: მოგების სისტემა წარმოქმნის მარალს, რომელიც სისტემის გარეთ არსებული სხვადასხვა ტიპის უბედურებისა თუ სიღარიბის და შედეგად სისტემის შიგნით წარმოქმნილი ნარჩენებით, წარმოებას „ხარჯად“ გარდაქმნის. უფრო მეტიც, ქალაქის რაციონალიზაცია სტრატეგიულ დისკურსში მის მითოლოგიზაციას იწვევს და ანვითარებს ჰიპოთეზას, რომ საბოლოო გადაწყვეტილების მისაღებად განადგურება აუცილებელია. და ბოლოს, ფუნქციონალისტური ორგანიზაცია, პროგრესის (ანუ დროის) პრივილეგიებით, იწვევს საკუთარი არსებობის მთავარი პირობის – სივრცის – დავიწყებას; ამგვარად, სივრცე სამეცნიერო და პოლიტიკურ ტექნოლოგიაში ბრმა წერტილი ხდება. ეს არის კონცეფცია – ქალაქის²⁰ ფუნქციონირების გზა, გრანსფორმაციებისა და ათვისების ადგილი, სხვადასხვა სახის ჩარევის ობიექტი, მაგრამ ასევე სუბიექტი, რომელიც მუდმივად მდიდრდება ახალი აგრიბუტებით, ის ერთდროულად არის მექანიზმიც და თანამედროვეობის გმირიც.

როგორიც არ უნდა ყოფილიყო ამ კონცეფციის ავტორი, დღეს უნდა ვაღიაროთ, რომ თუ თანამედროვე დისკურსში ქალაქი სოციალურ-ეკონომიკური და პოლიტიკური სტრატეგიების გოგალურად გარდაქმნის და თითქმის მითიური ორიენტაციის როლს ასრულებს, ურბანული ცხოვრება სულ უფრო მეტად იძლევა იმ ელემენტის ხელახლა გამოჩენის საშუალებას, რომელსაც

¹⁹ ჰობსის სახელმწიფო — ტომას ჰობსის პოლიტიკური ფილოსოფიის მიხედვით, საზოგადოებრივი ხელშეკრულებით შექმნილი სუვერენული ხელისუფლება, რომლის მთავარი დანიშნულება საზოგადოებაში წესრიგისა და უსაფრთხოების უზრუნველყოფაა.

²⁰ Concept-City - მიშელ დე სარტოს ტერმინი, რომელიც ურბანული დაგეგმარების, ადმინისტრაციული ცოდნისა და კარტოგრაფიული რეპრეზენტაციების საფუძველზე კონსტრუირებულ, აბსტრაქტულ ქალაქს აღნიშნავს.

ურბანისტული პროექტი გამოირიცხავდა. „ურბანიზაცია“ თავისთავად ძალაუფლების ენაა. თუმცა, ქალაქი წინააღმდეგობრივი მოძრაობების გავლენის ქვეშ ექცევა, რომლებიც აბალანსებენ მას და პანოპტიკური ძალაუფლების²¹ მიღმა ერთიანდებიან.

ქალაქი პოლიტიკურ ლეგენდებში დომინანტურ თემად ფორმდება, მაგრამ ის აღარ არის დაპროგრამებული და რეგულირებადი ოპერაციების ადგილი. ქალაქის იდეოლოგიების დისკურსების ქვემოთ ძალაუფლების ხრიკები და კომბინაციები მრავლდება, მათი იდენტობის წაკითხვა თუ მოხელთება შეუძლებელია, მათი რაციონალურობა ბუნდოვანია, მათი მართვა შეუძლებელია.

პრაქტიკების დაბრუნება

კონცეფცია-ქალაქი ლპება. ნიშნავს თუ არა ეს იმას, რომ დაავადება, რომელიც მის დამფუძნებელ რაციონალურობას და პროფესიონალებს აწუხებთ, ურბანულ მოსახლეობაზეც ვრცელდება? შესაძლოა, ქალაქი იმ სისტემასთან ერთად უარესდება, რომელმაც ის დააორგანიზა. მაგრამ, აქ ფრთხილად უნდა ვიყოთ. ცოდნის მინისკრები ყოველთვის ვარაუდობენ, რომ სამყაროს საფრთხე ემუქრება იმ ცვლილებებით, რომლებმაც მათ იდეოლოგიებსა და პოზიციებზე გავლენა მოახდინეს. ისინი თავიანთი თეორიებს უბელურებას, უბელურების თეორიად გარდაქმნიან. მაშინ როცა ისინი თავიანთი გაოცებას „კატასტროფად“ აქცევენ, როდესაც ცდილობენ ხალხი თავიანთი დისკურსების „პანიკაში“ ჩააგდონ, აუცილებლად კიდევ ერთხელ მართლები არიან ისინი?

დისკურსის ამ სფეროში დარჩენის ნაცვლად, რომელიც თავის პრივილეგიას შინაარსის გადაბრუნებით ინარჩუნებს (კატასტროფაზე და არა პროგრესზე საუბრით), შეგვიძლია სხვა გზა ვცადოთ: შესაძლებელია მიკრობის მსგავსი, მხოლოდობითი და მრავლობითი პრაქტიკების ანალიზი, რომელთა ჩახშობას და აღმინისტირებას ურბანული სისტემა ცდილობდა, თუმცა ეს პრაქტიკები სისტემასთან ერთად ლპობას გადაურჩნენ. შეგვიძლია დავაკვირდეთ პროცედურებს, რომლებიც პანოპტიკური აღმინისტირებით რეგულირების ან აღმოფხვრის ნაცვლად, მზარდ არალეგიტიმურობაში გაძლიერდნენ, განვითარდნენ, გადარჩენის ბაღეში ჩაერთნენ და ბუნდოვანი, მაგრამ სტაბილური ტაქტიკით გაერთიანდნენ, რომელიც ყოველდღიურ რეგულაციებს და ფარულ შემოქმედებით აქტებს ბაღებს და სისტემის დაკვირვების სასოწარკვეთილი მექანიზმებისთვისა და დისკურსისთვის დაფარულია.

ეს გზა შეიძლება შევაფასოთ, როგორც შედეგი, მაგრამ ასევე, როგორც ფუკოს ძალაუფლების სტრუქტურების ანალიზის²² შებრუნება. ფუკომ ეს ანალიზი²³ მექანიზმებისა და ტექნიკური პროცედურების მიმართულებით განავითარა, „მცირე ინსტრუმენტების“, რომლებსაც მხოლოდ „დეგალების“ ორგანიზებით შეუძლიათ ადამიანური მრავალფეროვნების „დისციპლინურ“ საზოგადოებად გარდაქმნა და შეგირდობასთან, ჯანმრთელობასთან, სამართალთან, ჯართან ან

²¹ პანოპტიკური ძალაუფლება - მიშელ ფუკოს ცნება, რომელიც აღნიშნავს ძალაუფლების ისეთ ფორმას, რომელიც ზედამხედველობისა და ყოვლისმომცველი ხედვის პრინციპზეა დაფუძნებული. მიშელ დე სარტო ამ ტერმინს იყენებს ქალაქის ზემოდან აღქმისა და მის მიმართ ადმინისტრაციული კონტროლის აღსანიშნავად.

²² მიშელ ფუკო (1926–1984) — ფრანგი ფილოსოფოსი, XX საუკუნის ერთ-ერთი ყველაზე გავლენიანი მოაზროვნე, რომლის ნაშრომები ძალაუფლების, ცოდნის, დისკურსისა და დისციპლინის საკითხებს ეძღვნება.

²³ Michel Foucault, *Surveiller et punir: Naissance de la prison* (Paris: Gallimard, 1975).

სამუშაოსთან დაკავშირებული ყველა გადახრის მართვა, ღიფერენცილება, კლასიფიკაცია, იერარქიზაცია. „დისციპლინის ეს ხშირად პაწაწინა ხრიკები“, ეს „მცირე, მაგრამ უნაკლო“ მექანიზმები თავიანთ ეფექტურობას, პროცედურებსა და იმ სივრცეს შორის ურთიერთობიდან აღწევენ, რომელსაც ისინი თავად ავრცელებენ, რათა მოქმედების არეალი შექმნან. მაგრამ რომელი სივრცითი პრაქტიკები შეესაბამება იმ გერიგორიას, სადაც დისციპლინა მანიპულირებადია, იმ აპარატებს, რომლებიც დისციპლინურ სივრცეს ქმნიან? დღევანდელ სიტუაციაში, რომელიც ადმინისტრირების კოლექტიურ რეჟიმსა და ინდივიდუალური, ხელახალი ათვისების (reappropriation)²⁴ პრაქტიკებს შორის წინააღმდეგობით ხასიათდება. ეს საკითხი არანაკლებ მნიშვნელოვანია, თუ ვაღიარებთ, რომ სივრცითი პრაქტიკები ფარულად სოციალურ ცხოვრებას აყალიბებენ. მე მსურს, გამოვყო რამდენიმე ასეთი მრავალფორმიანი, რემისგენგული, რთული და ჯიუტი პროცედურა, რომლებიც დისციპლინას გვერდს უვლის, იმ სფეროს ჩარჩოებიდან გასვლის გარეშე, რომელშიც ის ხორციელდება და რომლებსაც ყოველდღიური პრაქტიკის, საცხოვრებელი სივრცის, ქალაქის შემაშფოთებელი ფამილიარუობის თეორიამდე მივყავართ.

უსაქმური ნაბიჯების ქორო²⁵

ქალღმერთის ამოცნობა მისი ნაბიჯებით შეიძლება.

ვერგილიუსი, „ენეიდა“, 1, 405²⁶

მათი ისგორია იწყება მიწის ღონებზე, ნაბიჯებით. ისინი უამრავია, მაგრამ სერიას არ ქმნიან. მათი დათვლა შეუძლებელია, რადგან თითოეულ მათგანს თვითმყოფადი ხასიათი აქვს: ტაქტილური აღქმისა²⁷ და კინესთეტიკური გათავისების²⁸ სტილი. მათი გუნდური მასა სინგულარობის²⁹ უთვალავი კოლექციაა. მათი გადაჯაჭვული ბილიკები სივრცეებს ფორმას აძლევს. ისინი ადგილებს ერთმანეთთან აკავშირებენ. ამ მხრივ, ფეხით მოსიარულეთა მოძრაობები ქმნიან „რეალურ სისტემას, რომლის არსებობაც სინამდვილეში ქმნის ქალაქს“. ისინი არ არიან ლოკალიზებული; პირიქით, ისინი ქალაქს სივრცულ სახეს ანიჭებენ. ისინი არ არიან მოთავსებულნი კონტეინერში, ისევე, როგორც ჩინური იეროგლიფები, მოსაუბრე თითით რომ გამოისახავს ხოლმე ხელზე.

²⁴ აპროპრიაცია (ინგლ. *appropriation*) - სივრცის, ობიექტის ან არქიტექტურული ელემენტის იმგვარი გამოყენება ან გარდაქმნა, რომელიც თავდაპირველ დანიშნულებას სცილდება და ახალ ფუნქციასა და მნიშვნელობას იძენს.

²⁵ ქორო / Chorus (ბერძ. *χορός* - *chorós*) - ძველბერძნულ თეატრში მსახიობთა და მომღერალთა ჯგუფი, რომელიც სიმღერით, ცეკვითა და კომენტარებით მონაწილეობდა დრამატულ მოქმედებაში და განმარტავდა მოვლენებს, გამოხატავდა საზოგადოების ან კოლექტიურ პოზიციას.

²⁶ ვერგილიუსი (Publius Vergilius Maro; ძვ. წ. 70-19) - ძველი რომის პოეტი, „ენეიდის“, „გეორგიკებისა“ და „ეკლოგების“ ავტორი. მისი შემოქმედება კლასიკური ლათინური ლიტერატურის უმნიშვნელოვანეს ნიმუშად მიიჩნევა და განსაკუთრებული გავლენა მოახდინა ევროპული ლიტერატურისა და კულტურის განვითარებაზე.

²⁷ ტაქტილური აღქმა (Tactile apprehension) - სივრცესთან და არქიტექტურასთან ფიზიკური კონტაქტი, რომელიც შეხებასა და სხვა სენსორულ გამოცდილებებს ეფუძნება; ის ვიზუალური აღქმასთან ერთად ადამინისა და გარემოს ურთიერთობას აყალიბებს.

²⁸ კინესთეტიკური ათვისება (Kinesthetic appropriation) — სივრცის მოძრაობითა და ფიზიკური გამოცდილებით ათვისება, რომლის შედეგადაც ის ინდივიდის ყოველდღიური პრაქტიკების ნაწილი ხდება.

²⁹ სინგულარობა — კონკრეტული მოვლენის, ადგილის, ობიექტის ან გამოცდილების განუყოფელი და სპეციფიკური ხასიათი.

მართლაც, სიარულის ოპერაციების კვალი ქალაქის რუკებზე შეიძლება ისე იყოს აღბეჭდილი, რომ მათი ბილიკები (ზოგან კარგად გაკვალული, სხვაგან კი ძალიან მკრთალი) და გრაექტორიები (ამ მიმართულებით და არა იქით მიმავალი) გამოავლინოს. თუმცა, ეს სქელი ან თხელი მრუდები სიგყვების მსგავსად, მხოლოდ იმის არარსებობაზე მიუთითებს, რამაც უკვე ჩაიარა. მარშრუტების კვლევებში გამოგოვებულია ის რაც უკვე მოხდა: თავად ჩავლის აქტი. სიარულის, ხეგიალის ან „ვიტრინების დათვალიერების“ ოპერაცია, ანუ გამვლელების აქტივობა, გარდაიქმნება წერტილებად, რომლებიც რუკაზე გოგალიზირებულ და შექცევად ხაზს ავლებენ. ისინი საშუალებას გვაძლევენ, მხოლოდ პროექციის ზედაპირზე, უადგილობრაში არსებული რელიკვია მოვიხელთოთ. თავად ხილული, უხილავს ხდის იმ ოპერაციას, რამაც ის შესაძლებელი გახდა. ეს ფიქსაციები დავიწყების პროცედურებს წარმოადგენს. დაგოვებული კვალი პრაქტიკას ანაცვლებს. ის (სიხარბის) იმ თვისებას ავლენს, რომელიც გეოგრაფიულ სისტემას გააჩნია. მას შეუძლია მოქმედება წაკითხვადი გახადოს, თუმცა, ამით ის სამყაროში ყოფნის წესის დავიწყებას იწვევს.

მოსიარულე რიტორიკები

გამვლელების სიარული გვთავაზობს შემობრუნების და გადახვევის სერიას, რომლებიც შეიძლება „ფრაზის შემობრუნებებს“ ან „სტილისტურ ფიგურებს“ შევადაროთ. სიარულის რიტორიკა არსებობს. ფრაზების „გამოგონების“ ხელოვნება შესატყვისის გზის შედგენის ხელოვნებაში (tourner un parcours) პოულობს. ჩვეულებრივი ენის მსგავსად, ეს ხელოვნება სტილებსა და გამოყენებებს მოიაზრებს და აერთიანებს მათ. სტილი განსაზღვრავს „ენობრივ სტრუქტურას, რომელიც სიმბოლურ დონეზე ვლინდება... ინდივიდის სამყაროში არსებობის ფუნდამენტურ გზას“; ის სინგულარობას აღნიშნავს. გამოყენება განსაზღვრავს სოციალურ ფენომენს, რომლის მეშვეობითაც კომუნიკაციის სისტემა ფაქტობრივად ვლინდება; ის ეხება ნორმას. სტილიც და გამოყენებაც დაკავშირებულია „ოპერირების წესთან“ (საუბრის, სიარულის და ა.შ.), მაგრამ სტილი გულისხმობს სიმბოლურის თავისებურ დამუშავებას, ხოლო გამოყენება კოდის ელემენტებს ეხება. ისინი გამოყენების სტილის, არსებობის წესისა და მოქმედების წესის შესაქმნელად იკვეთებიან.

ქალაქ სევრში მცხოვრები მეგობარი პარიზში ყოფნისას მიემართება სენ-პერესა და სევრის ქუჩებისკენ, მიუხედავად იმისა, რომ დედასთან ქალაქის სხვა ნაწილში აპირებს შეხვედრას: ეს სახელები ქმნიან წინადადებას, რომელსაც მისი ნაბიჯები გაუცნობიერებლად ადგენენ. დანომრილი ქუჩები და ქუჩების ნომრები (მე-112 ქუჩა ან სენ-შარლის მე-9 ქუჩა) გრაექტორიების მაგნიტურ ველს ისევე აყალიბებენ, როგორც სიმბოლებში აღევენება შეუძლიათ. კიდევ ერთი მეგობარი არაქცნობიერად თრგუნავს იმ ქუჩებს, რომლებსაც სახელები აქვთ და ამით მას ბრძანებებს თუ ილენგობას გადასცემენ, ისევე, როგორც მოწოდებებს და კლასიფიკაციებს; ნაცვლად ამისა, ის მიდის იმ გზებით, რომლებსაც არა აქვთ სახელი ან ხელწერა. მაგრამ, ამგვარად, მის სიარულს საკუთარი სახელები მაინც განსაზღვრავენ. რა არის ის, რასაც ისინი აღნიშნავენ? ქალაქის ზედაპირის იერარქიულად და სემანტიკურად მოწესრიგებულ თანავარსკვლავედებად განლაგებულნი, ქრონოლოგიური თანმიმდევრობითა და ისტორიული გამართლებით, ეს სიგყვები (ბორეგო, ბოცარიისი, ბუგენვილი...) როგორც გაცვეთილი მონეტები ნელ-ნელა მათზე ამოგვიფრულ ღირებულებას კარგავენ, მაგრამ

აღნიშვნის უნარი მათ საწყისს მნიშვნელობებს გადაწონის. სენ-პერესი, კორენგენ სელგონი, წითელი მოედანი... ეს სახელები გამვლელების მიერ მათთვის მინიჭებულ მრავალფეროვან მნიშვნელობებს ხელმისაწვდომს ხდის; ისინი შორლებიან იმ ადგილებს, რომლებიც მათ უნდა განესაზღვრათ და გვეგებებიან როგორც წარმოსახვითი შეხვედრის წერტილები მარშრუტებზე, რომლებსაც, როგორც მეტაფორებს, ისინი იმ სხვადასხვა მიზეზით განსაზღვრავენ, რომლებიც უცხოა მათი თავდაპირველი ღირებულებისთვის, მაგრამ ეს გამვლელებმა შეიძლება ამოიცნონ ან არ ამოიცნონ.

უცნაური ტოპონიმი³⁰, ის მოწყვეტილია რეალურ ადგილებს და მაღლა, ქალაქის თავზე დაფრინავს, როგორც „მნიშვნელობების“ ნისლიანი გეოგრაფია, რომელიც დალივლივებს და ქვემოთ ფიზიკურ გადაადგილებებს ხელმძღვანელობს: ილგუალის მოედანი, კონკორდი, პუასონიერი... სახელთა ეს თანავარსკვლავედები მოძრაობის ნიმუშებს ქმნის: ისინი ვარსკვლავები არიან, რომლებიც მარშრუტებს წარმართავენ.

„კონკორდის მოედანი არ არსებობს“, – თქვა მალაპარტმა,³¹ – „ეს იდეა“. ეს „იდეაზე“ გაცილებით მეტია. შედარებების მთელი სერიაა საჭირო, რათა საკუთარი სახელების ჯაღოსნური ძალა აიხსნას. მოგაზურები მათ როგორც ემბლემებს ისე ატარებენ, ეს სახელები მათ გმას უკვალავენ და ამავდროულად დეკორატიულადაც ამშვენებენ.

და ეს სიყვები, რომლებიც აკავშირებენ აქტებსა და ნაბიჯებს, ხსნიან მნიშვნელობებსა და მიმართულებებს, თავიანთი ძირითადი როლის დაცლისა და გაცვეთის სახელით მოქმედებენ. ისინი განთავისუფლებულ სივრცეებად გარდაიქმნებიან, რომელთა დაკავება შესაძლებელია. მდიდარი განუსაზღვრელობა სემანტიკური გაიშვიათების გზით მათ პირდაპირი, გეოგრაფიასთან ერთად აკრძალული თუ დაშვებული მნიშვნელობას მეორე, პოეტური გეოგრაფიის არტიკულაციის ფუნქციას ანიჭებს. ისინი, მოძრაობის ფუნქციონალისგურ და ისტორიულ წესრიგში, სხვა გზებზე მიაწვდიან. სიარული მათ თანსდევს: „მე ამ დიდ ცარიელ სივრცეს ლამაზი სახელით ვავსებ“. აღამიანები მოძრაობაში მოჰყავთ მნიშვნელობათა ჯერ კიდევ არსებულ რელიკვიებს და, მოგჯერ, იმას რაც მათგან დარჩა, ის რაც დიდი ამბიციების შემობრუნებაზე მიგვანიშნებს.

ის, რაც არაფერს, ან თითქმის არაფერს წარმოადგენს, სიმბოლურად გამოხატავს და მიმართულებას აძლევს მოსიარულეთა ნაბიჯებს: სახელები, რომლებიც აღარ არიან „სწორი“. საბოლოო ჯამში, საკუთარ სახელებს, როგორც „ადგილობრივ ავტორიტეტებს“ თუ „ცრურწმენებს“, რიცხვები ცვლის: გელეფონზე უკვე არა „ოპერა“, არამედ 073 იკრიფება. იგივე ეხება ისტორიებსა და ლეგენდებს, რომლებიც ურბანულ სივრცეს ადევნებიან, როგორც ზედმეტობა თუ კიდევ ერთი ბინადარი. ისინი გექნოსტრუქტურის³² ლოგიკით, ჯაღოქრებზე ნადირობის ობიექტს წარმოადგენენ. მაგრამ მათი განადგურება (ისევე როგორც ხეების, ტყეების და დაფარული ადგილების, სადაც ასეთი ლეგენდები ბინადრობენ) ქალაქს „შეჩერებულ

³⁰ ტოპონიმი (ინგლ. toponymy, ბერძნ. topos - „ადგილი“ + onyma/onomatopoeia - „სახელი“) გეოგრაფიული ადგილების სახელთა სისტემა და მათი შესწავლის მეცნიერება

³¹ კურციო მალაპარტი (1898-1957) - იტალიელი მწერალი, რომლის სახელთანაც დაკავშირებულია კუნძულ კაპრიზე მდებარე მოდერნისტული საცხოვრებელი სახლი Casa Malaparte (1938-1942), XX საუკუნის არქიტექტურის ერთ-ერთი მნიშვნელოვანი ნიმუში.

³² ტექნოსტრუქტურა (technostructure) - ტერმინი, რომელიც შემოიტანა ჯონ კენეთ გელბრეითმა და აღნიშნავს ტექნიკური, ადმინისტრაციული და მმართველობითი მექანიზმების ერთობლიობას, რომლებიც ორგანიზაციის, ინსტიტუციის ან ქალაქის გეგმარებასა და ფუნქციონირებას განსაზღვრავენ. მოგვიანებით ცნება ფართოდ გავრცელდა სოციალურ და ურბანულ თეორიაში ტექნიკური რაციონალიზმისა და ინსტიტუციური კონტროლის სისტემების აღსანიშნავად.

სიმბოლურ წესრიგად“ აქცევს. საცხოვრებლად ვარგისი ქალაქი, შესაბამისად, გაუქმებულია. ამრიგად, როგორც რუანელმა ქალმა თქვა: “არ არსებობს განსაკუთრებული რაიმე ადგილი, გარდა ჩემი საკუთარი სახლისა, სულ ეს არის... სხვა აქ არაფერია“. არაფერი “განსაკუთრებული“: არაფერი, რაც მონიშნული იქნებოდა, გამოღვიძებული მოგონებითა თუ ისტორიით, ხელმოწერილი რაღაცის ან ვიღაცის მიერ. მხოლოდ სახლის ქვაბულია რჩება დამაჯერებელი, გარკვეული დროით ღია ლეგენდებისთვის, ჩრდილებით სავსე. გარდა ამისა, სხვა ქალაქის მაცხოვრებლის თქმით, მხოლოდ ისეთი „ადგილები არსებობს, სადაც ვერაფერს დაიჯერებ.“

სწორედ იმ შესაძლებლობის წყალობით, რომელსაც ისინი მდიდარი სიჩუმისა და უსიგყვო ისტორიების შესანახად გეთავაზობენ, უფრო სწორად, ყველგან სარდაფებისა და სხვენების შექმნის უნარის წყალობით, ადგილობრივი ლეგენდები (ლეგენდა: რაც უნდა წაიკითხოთ, მაგრამ ასევე ის, რაც შეიძლება რომ წაიკითხოთ) იძლევა გასასვლელების, წასვლის და დასაბრუნებელი გზების და, შესაბამისად, საცხოვრებლად ვარგისი სივრცეების არსებობის საშუალებას. რა თქმა უნდა, სიარული და მოგზაურობა ანაცვლებს გასასვლელებს, წასვლასა და დაბრუნებას, რომლებიც უწინ ლეგენდების ერთობლიობით იყო ხელმისაწვდომი და რაც დღესდღეობით სივრცეებს აკლიათ. ფიზიკური გადაადგილება გუშინდელი ან დღევანდელი „ცურურწმენების“ ხეგიალის ფუნქციას ასრულებს. მოგზაურობა (ისევე როგორც სიარული) ლეგენდებს ანაცვლებს, რომლებიც სივრცეს რაღაც განსხვავებულითვის ხსნიდნენ.

რას წარმოქმნიან საბოლოო ჯამში მოგზაურობები, თუ არა ერთგვარ შებრუნებას, „ჩემი მეხსიერების მიტოვებული ადგილების შესწავლას“, ახლომდებარე ეგზოტიკურობაში დაბრუნებით – შორეულ ადგილებში შემოვლითი გზით „რელიკვიებისა და ლეგენდების „აღმოჩენით“: „ფრანგული სოფლის წარმატალი ხილვები“, „მუსიკისა და პოეზიის ფრაგმენტები“, მოკლედ, რაღაც „საკუთარი საწყისებისგან მოწყვეტის“ მსგავსი (ჰაიდეგერი)?³³ ეს მოსიარულე ღვენილობა სწორედ იმ ლეგენდების კრებულს წარმოქმნის, რის ნაკლებობასაც ამჟამად ადამიანი საკუთარ გარემოში განიცდის; ეს გამოგონილი ამბავია, რომელსაც, გარდა ამისა, ორმაგი მახასიათებელი აქვს, როგორც სიმშრებს ან ფეხით მოსიარულეთა რიგორიკას და ის გადანაცვლებისა და კონდენსაციის³⁴ შედეგია. დასკვნისათვის, ამ მნიშვნელობის წარმომქმნელი პრაქტიკების³⁵ (საკუთარი თავისთვის ლეგენდების მოყოლის) მნიშვნელოვნება შეგვიძლია განვსაზღვროთ, როგორც იმ პრაქტიკებისა, რომლებიც, სივრცეებს იგონებენ.

ამ თვალსაზრისით, მათი შინაარსი კვლავ ცხადია, უფრო მეტად კი, ის პრინციპი, რომელიც მათ აორგანიზებს. ადგილების შესახებ ისტორიები ღრობითი რამ არის. ისინი სამყაროს

³³ მარტინ ჰაიდეგერი (1889-1976) - გერმანელი ფილოსოფოსი, XX საუკუნის ფენომენოლოგიისა და ეგზისტენციალური ფილოსოფიის ერთ-ერთი უმნიშვნელოვანესი წარმომადგენელი. მის ფილოსოფიაში საკუთარი ფესვებისგან მოწყვეტა (uprooting) აღნიშნავს ადამიანის გაუცხოებას საკუთარი წარმოშობის, ადგილის, ენისა და ტრადიციისგან, რაც არღვევს მის სამყაროში ყოფნის (being in the world) და მიკუთვნებულობის განცდას.

³⁴ გადანაცვლება (displacement) და კონდენსაცია (condensation) — ცნებები, რომლებიც თავდაპირველად ზიგმუნდ ფროიდმა სიზმრების მოქმედების მექანიზმების აღსაწერად შემოიტანა. გადანაცვლება აღნიშნავს მნიშვნელობის ერთი ელემენტიდან მეორეზე გადატანას, ხოლო კონდენსაცია - რამდენიმე მნიშვნელობის, სახის ან გამოცდილების ერთ სახეში, სიმბოლოში ან ნიშანში თავმოყრას. მოგვიანებით ეს ცნებები ფართოდ გამოიყენებოდა კულტურის, ლიტერატურისა და ურბანული თეორიის ანალიზში.

³⁵ მნიშვნელობის წარმომქმნელი პრაქტიკები (signifying practices) - სემიოტიკის ერთ-ერთი ძირითადი ცნება, რომელიც აღნიშნავს იმ სოციალურ, ენობრივ, კულტურულ და სივრცით პრაქტიკებს, რომელთა საშუალებითაც ნიშნები მნიშვნელობას, ხოლო რეალობა სიმბოლურ დატვირთვას იძენს.

ნამსხვრევებისგან შედგება. მაშინაც კი, თუ „ცრურწმენების“ ლიგერაგურული ფორმა და აქტანციური სქემა³⁶ სტაბილურ (დამკვიდრებულ) მოდელებს შეესაბამება, რომელთა სტრუქტურები და კომბინაციები ბოლო ოცდაათი წლის განმავლობაში ხშირად იქცა ანალიზის საგნად, მასალა (მათი “მანიფესტაციის” ყველა რიგორიკული დეტალი) ნომინაციების, ტაქსონომიების,³⁷ გმირული ან კომიკური პრედიკატების³⁸ და ა.შ. ნარჩენებითაა უზრუნველყოფილი, ანუ სემანტიკური ადგილების³⁹ ფრაგმენტებით გაჯერებული. ეს ჰეტეროგენული⁴⁰ და, თუნდაც, საპირისპირო ელემენტები ავსებენ მოთხრობის ჰომოგენურ⁴¹ ფორმას. ზედმეტი და სხვა საგნები (დეტალები და ზედმეტობები, რომლებიც სხვა ადგილებიდან არის ნასესხები) საკუთარ თავს მიღებულ ჩარჩოში და დაწესებულ წესრიგში აქცევენ. შესაბამისად, არსებობს მძაფრი ურთიერთობა სივრცულ პრაქტიკებსა და კონსტრუირებულ წესრიგს შორის.

ამ წესრიგის ზედაპირი ყველგან გარღვეული და გაგლეჯილია ელიფსებით, გადახრებითა და მნიშვნელობის გაღივებით: ეს საცრის წესრიგია.

³⁶ აქტანციური სქემა (actantial scheme) - აღვირდას ჟიულიენ გრემასის მიერ შემუშავებული სტრუქტურალისტური სემიოტიკის მოდელი, რომელიც ნარატივს ექვსი აქტანტის ურთიერთმიმართებით აღწერს: სუბიექტი, ობიექტი, გამგზავნი (Sender), მიმღები (Receiver), დამხმარე (Helper) და მოწინააღმდეგე (Opponent). აქტანტები არა კონკრეტულ პერსონაჟები, არამედ შინაარსში მოქმედ ფუნქციური როლის მქონე ობიექტები არიან, რომლებიც მნიშვნელობის სტრუქტურას განსაზღვრავენ.

³⁷ ტაქსონომია (ინგლ. taxonomy, ბერძნ. taxis - „განლაგება, წესრიგი“ + nomos - „კანონი, წესი“) კლასიფიკაციის სისტემას ან ობიექტების, ცნებებისა თუ მოვლენების მოწესრიგებული დაყოფის პრინციპი.

³⁸ პრედიკატი - ლოგიკასა და ფილოსოფიაში ის, რაც რაიმე საგანს ან სუბიექტს მიენერება, ანუ მისი თვისება, მდგომარეობა ან მიმართება. პრედიკატი გამოხატავს იმას, რაც სუბიექტზე ითქმის.

³⁹ სემანტიკური ადგილი ან სივრცე (semantic places/spaces) - მნიშვნელობების მატარებელი ერთეული. სემიოტიკისა და კულტურის თეორიის კონტექსტში ის ფიზიკურ მდებარეობასთან ერთად ისტორიულ, კულტურულ, სოციალურ და სიმბოლურ მნიშვნელობასაც ატარებს.

⁴⁰ ჰეტეროგენული (ინგლ. heterogeneous, ბერძნ. heteros - „სხვა, განსხვავებული“ + genos - „გვარი, წარმოშობა“) არაერთგვაროვანი, სხვადასხვა ელემენტისგან შედგენილი.

⁴¹ ჰომოგენური (ინგლ. homogeneous, ბერძნ. homos - „იგივე, ერთნაირი“ + genos - „გვარი, წარმოშობა“) - ერთგვაროვანი, მსგავსი თვისებების მქონე ელემენტებისგან შემდგარი.